

সাইয়িদ হুসাইন আহমাদ মাদানি

শরিয়তের দৃষ্টিতে

# দিয়-মুয়িদি





শায়খুল ইসলাম সাইয়িদ হুসাইন আহমাদ মাদানির  
বায়আত সম্পর্কিত গুরুত্বপূর্ণ ভাষণ

## শরিয়তের দৃষ্টিতে পির-মুরিদি

নির্দেশক্রমে

শায়খুল হাদিস মাওলানা জাকারিয়া কাম্বলবি

অনুবাদ

প্রিন্সিপাল মাওলানা হাবীবুর রাহমান

প্রতিষ্ঠাতা, জামেয়া মাদানিয়া ইসলামিয়া কাজিরবাজার, সিলেট

ঐ কানোনুল শরকাশনী



প্রকাশকাল : জানুয়ারি ২০২৪

© : প্রকাশক

মূল্য : ৳৮০, US \$7, UK £5

গ্রন্থন : আহমাদুল্লাহ ইকরাম

প্রকাশক

কালান্তর প্রকাশনী

বশির কমপ্লেক্স, ২য় তলা, বাঙ্গলাবাজার  
সিলেট। ০১৭১১ ৯৮ ৪৮ ২১

প্রধান বিক্রয়কেন্দ্র

ইসলামী টাওয়ার, ১ম তলা, বাংলাবাজার  
ঢাকা। ০১৩১২ ১০ ৩৫ ৯০

বইমেলা পরিবেশক : নহলী

অনলাইন পরিবেশক : রকমারি, ওয়াকি লাইফ

মুদ্রণ : বোখারা মিডিয়া

ISBN : 978-984-97834-3-5

**Shariater Drihtite Peer-Muridi**

[Sufism in the Light of Islamic Shariah]

by Syed Hussain Ahmad Madani

Published by

**Kalantor Prokashoni**

+88 01711 984821

kalantorprokashoni10@gmail.com

www.facebook.com/kalantordk

www.kalantorprokashoni.com

**All Rights Reserved**

No part of this publication may be reproduced, distributed, or transmitted in any form or by any means without the prior written permission of the publisher, except in the case of brief quotations embodied in critical reviews and certain other noncommercial uses permitted by copyright law.



## প্রকাশকের কথা

পুস্তিকাটি শায়খুল ইসলাম সাইয়িদ হুসাইন আহমাদ মাদানি রাহ.-এর একটি গুরুত্বপূর্ণ ভাষণ। ভারতের মাদ্রাজের এক মাহফিলে ভাষণটি অডিয়ো টেপে রেকর্ড করা হয়। মুহাজিরে মাদানি শায়খুল হাদিস জাকারিয়া কান্দলবি রাহ.-এর কাছে ক্যাসেটটি সংরক্ষিত ছিল। তিনি ১৪০২ হিজরিতে মদিনায় ইনতিকাল করেন। ইনতিকালের মাত্র এক মাস আগে তিনি ভাষণটি অনুলিখন করিয়ে গ্রন্থাকারে প্রকাশের নির্দেশ দেন। সে অনুযায়ী তা প্রকাশ করা হয়।

ধারাবাহিকতা বজায় রেখে মাওলানা মাদানির ভাষণের হুবহু ভাষা অনুবাদ করা হয়েছে। তাই পাঠক সমীপেও আরজ, একে সবাই ভাষণ মনে করেই পাঠ করবেন।

ভাষণটি বাংলা করেছেন বাংলাদেশের শীর্ষ আলিম মুজাহিদে মিল্লাত প্রিন্সিপাল মাওলানা হাবীবুর রাহমান রাহ। ভাষা ও বানান সমন্বয়ের কাজ করেছেন আবদুল হক, ইলিয়াস মশহুদ, মুতিউল মুরসালিন ও আলমগির হুসাইন মানিক। আমি নিজেও আদ্যোপান্ত পড়েছি। মুফতি নোমান আহমদ ও ইলিয়াস মশহুদ কিছু টীকাসহ প্রয়োজনীয় সূত্র যুক্ত করেছেন।

পুস্তিকাটির অনুলেখক-অনুবাদক এবং পাঠক ও শুভাকাঙ্ক্ষী সবার প্রতি রইল আমাদের অনিঃশেষ দুআ ও ভালোবাসা।

আবুল কালাম আজাদ

প্রকাশক

আগস্ট ২০, ২০২৩





## অনুবাদের আরজ

بِسْمِ اللَّهِ الرَّحْمَنِ الرَّحِيمِ

تَحْمَدُهُ وَنُصَلِّي عَلَى رَسُولِهِ الْكَرِيمِ

‘শরিয়তের দৃষ্টিতে পির-মুরিদি’ বিষয়টির গুরুত্ব, বিশেষত এ ফিতনার যুগে, অপরিসীম। আধুনিক ইসলামের প্রবক্তা একটি বিশেষ গোষ্ঠী তাসাওউফ বা পির-মুরিদিকে অস্বীকার করে থাকে। ইসলামের অধ্যাত্মসাধনার এ পথকে তারা হিন্দুদের যোগ সাধনের মতো ব্যাপার আখ্যা দেওয়ার ধৃষ্টতা প্রদর্শন করে। বস্তুত এ ধারণা কেবল অজ্ঞতাপূর্ণই নয়; বরং এ এক পরিকল্পিত ষড়যন্ত্র, যার দ্বারা নিজেদের জ্রুফ মতবাদকে ‘একমাত্র ইসলাম’ হিসেবে সমাজে চালু রেখে পির-মাশায়খ এবং আত্মাহওয়ালাদের থেকে আধুনিক শিক্ষিত সরলপ্রাণ যুবসমাজকে তারা বিচ্ছিন্ন করে রাখতে চায়।

এর উলটো দিকে রয়েছে আরও একটি গোষ্ঠী, যারা পির-মুরিদির নামে কুসংস্কার ও বিভ্রান্তি ছড়িয়ে সমাজকে কলুষিত করে রেখেছে। এমনকি স্বার্থ হাসিলের উদ্দেশ্যে তারা একে জমজমাট এক ব্যবসায় পরিণত করে ফেলেছে। আমাদের দুর্নীতিপরায়ণ শাসকগোষ্ঠীর প্রত্যক্ষ ও পরোক্ষ পৃষ্ঠপোষকতায় তারা তাদের ধান্দা-ব্যবসায় দিনদিন আরও শিকড় গেড়ে বসছে, সমাজে ব্যাপকভাবে ছড়িয়ে চলেছে অনৈসলামিক চিন্তা ও কর্মকাণ্ড। পিরাকির ছদ্মাবরণে তারা আত্মাহর জমিনে শিরক, বিদআত, বাস্তিপূজা, কবরপূজা, কবর-ব্যবসাসহ নানা ধরনের অসামাজিক ও শরিয়তবিরোধী কার্যকলাপে লিপ্ত রয়েছে। এদের সদর্প উপস্থিতি এবং

বিজ্ঞান্দির চিন্তাকর্ষক প্রচারণায় প্রভাবিত হয়ে পড়ছে দীনের সঠিক জ্ঞান থেকে বঞ্চিত ব্যবসায়ী, চাকরিজীবী, আমলাসহ অসংখ্য সরলপ্রাণ নারী-পুরুষ। বুঝে না-বুঝে জড়িয়ে পড়ছে এদের ভুল বিশ্বাস ও শরিয়তবিরোধী জঘন্য সব কাজে। এভাবে প্রতিনিয়ত দীন ও ইমানহারা হতে চলেছে মিল্লাতের এক বিরাট অংশ।

শায়খুল ইসলাম মাদানি রাহ. তাঁর এই অমূল্য অভিভাষণে কুরআন-হাদিস ও যুক্তি-প্রমাণের আলোকে অত্যন্ত স্পষ্টভাবে 'শরিয়তের দৃষ্টিতে পির-মুরিদ' বিষয়টি তুলে ধরেছেন। যেহেতু তিনি কেবল উপমহাদেশেই নয়; বরং পবিত্র মক্কা-মদিনাসহ সমগ্র মুসলিমবিশ্বে যুগশ্রেষ্ঠ একজন খোদাভীরু আলিম, ওলিকুল সম্মতি, মুহাদ্দিসদের শিরোমণি, কুতবুল আলম, শায়খুল আরব ওয়াল আজম হিসেবে স্বীকৃত ব্যক্তিত্ব ছিলেন, তাই আলোচ্য বিষয়ে মৌলিক রচনার সাধ-সাধ্য থাকলেও তার চেয়ে এমন ব্যক্তিত্বের ভাষণকেই বাংলায় অনুবাদ করে প্রিয় দীনি ভাই-বোনদের খিদমতে পেশ করাকে অগ্রাধিকার দিচ্ছি, যাঁর রয়েছে প্রবাদতুল্য ইলম ও হিলম (প্রজ্ঞা), রয়েছে শরিয়্যা ও দুনিয়ার ব্যাপারে যথেষ্ট অবগতি। মূলত হজরত মাদানি রাহ.-এর বুহানি ফয়েজ ও দুআ লাভ এবং অজ্ঞ ও সরলপ্রাণ মুসলিমদের সত্যের সন্ধান দেওয়াই আমার প্রথম ও প্রধান উদ্দেশ্য। আল্লাহ তাআলা অধমের কাজটিকে দীন ও উম্মাহর জন্য কবুল করুন। আমিন।

মুহাম্মদ হাবীবুর রাহমান

অক্টোবর ১৪, ১৯৯০







## সূচিপত্র

### যাঁর সিরাতের সৌরভ আজও ছড়ায় স্বর্গীয় মেহেক # ১১

এক	: একটি বৃক্ষের বৃত্তান্ত	১১
দুই	: বৃক্ষটির বেড়ে ওঠা এবং সময়ের ছায়ালাভ	১২
তিন	: বৃক্ষটির ছায়া ও মায়ার কিছু খণ্ডচিত্র	১৪
চার	: সময়ের ঝড়ঝাপটায় বৃক্ষটির ভূমিকা	১৬
পাঁচ	: বৃক্ষ ও তার শাখা-প্রশাখা	১৭
ছয়	: চির সিজদায় নুয়ে পড়লেন যখন	১৮

### ❖❖ প্রথম অধ্যায় ❖❖

### শরিয়তের দৃষ্টিতে পির-মুরিদি # ১৯

এক	: বায়আতের পরিচয় ও শরয়ি প্রমাণ	১৯
দুই	: সত্যিকার পিরের পরিচয়	২৭

### ❖❖ দ্বিতীয় অধ্যায় ❖❖

### তাসাওউফ-চর্চার প্রমাণ, গুরুত্ব

### ও নবিযুগে এর স্বরূপ # ৩১

এক	: তাসাওউফের প্রমাণ	৩১
দুই	: তাসাওউফের গুরুত্ব	৩৭
তিন	: নবিযুগে তাসাওউফের স্বরূপ	৩৮

❖❖❖ তৃতীয় অধ্যায় ❖❖❖

তাসাওউফের উদ্দেশ্য # ৪০

এক	: আপত্তি ও জবাব	৪০
দুই	: শরিয়তবিরোধী পদ্ধতি অবলম্বন নিষিদ্ধ	৪৫
তিন	: নবিজির হিজরতের সফর	৪৬

❖❖❖ চতুর্থ অধ্যায় ❖❖❖

মুরশিদে গুণাবলি ও বায়আতের নিয়ম  
উপকার ও আনুগত্যের শর্ত # ৪৭

এক	: মুরশিদকে হতে হবে অভিজ্ঞতাসম্পন্ন	৪৭
দুই	: বায়আতের উপকারিতা	৪৭
তিন	: বায়আত করার নিয়ম	৫২
চার	: আনুগত্যের শর্ত	৫৬
পাঁচ	: আদ্বাহর জিকিরের গুরুত্ব	৬১





শায়খুল ইসলাম হজরত মাদানি রাহ.

## যাঁর সিরাতের সৌরভ আজও ছড়ায় স্বর্গীয় মেহেক

### এক. একটি বৃক্ষের বৃন্তান্ত

হামদ ও সালাতের পর, মদিনা শরিফে অধ্যাপক জলিল আহমাদ সাহেব শায়খুল ইসলাম মাদানি রাহ.-এর একটি উর্দু ভাষণ ইংরেজিতে অনুবাদ করছিলেন। হঠাৎ তিনি জ্বরে আক্রান্ত হয়ে পড়েন এবং তাঁকে কাজ বন্ধ করে দিতে হয়। এ অবস্থায় স্বপ্নে শায়খুল ইসলামের সঙ্গে তাঁর সাক্ষাৎ হয়। হজরত তাঁকে কী একটা শরবত পান করতে দিয়ে বলেন, ‘আপনার অনুবাদের সঙ্গে সুফি ইকবালের কাছ থেকে জীবনের এক পৃষ্ঠা সংগ্রহ করে যোগ করে নিন।’ আল্লাহর ফজলে অধ্যাপক সাহেব সেদিনই সুস্থ হয়ে ওঠেন। তিনি আমাকে জীবনের এক পৃষ্ঠা লিখে দিতে বলেন। এর আগে যখন এ বয়ানের আরবি অনুবাদ হচ্ছিল, তখনো হজরতের জীবনের কিছু অংশ লেখার ইচ্ছা ছিল। ফলে নুজহাতুল খাওয়াতির থেকে কিছু তথ্য সংগ্রহ করে রেখেছিলাম। তবে তা ছিল কয়েক পৃষ্ঠায়; কিন্তু ইংরেজি অনুবাদে মাত্র এক পৃষ্ঠা জুড়ে দেওয়ার নির্দেশ ছিল। যেহেতু ইংরেজি ও উর্দুভাষীদের জন্য বিস্তারিত লেখার প্রয়োজন ছিল না, কেবল অবগতির জন্য আল্লাহর ওলিদের কিছু বাণী ও কতিপয় ঘটনার প্রতি ইঙ্গিতই যথেষ্ট—তাই এখানে খুব সংক্ষেপে শায়খুল ইসলামের জীবনের সামান্য একটু কালকানি তুলে ধরার চেষ্টা করব।